

# 'Malay Dilema' dalam Bahasa Malaysia dan China

KUALA LUMPUR, Isnin — Buku "The Malay Dilema" karangan Perdana Menteri Datuk Seri Dr. Mahathir Mohamad, akan diterjemahkan ke Bahasa Malaysia dan China.

Datuk Seri Dr. Mahathir memberitahu hari ini, beliau sedang mencari penterjemah-penterjemah untuk menterjemah buku itu ke dalam kedua-dua bahasa tersebut.

Bagaimanapun, beliau tidak dapat menyatakan bila versi Bahasa Malaysia dan bahasa China buku tersebut boleh diperolehi.

## Jualan

Bercakap kepada para pemberita di kediamannya di sini, Perdana Menteri menafikan beliau pernah memberi keizinan kepada sesiapa untuk menterjemah buku tersebut.

Katanya, versi bahasa China buku "The Malay Dilema" yang terdapat dalam pasaran sekarang

didedarkan tanpa pengetahuannya.

Ditanya mengenai royalti yang telah beliau perolehi hasil jualan buku itu, Datuk Seri Dr. Mahathir tidak dapat memastikan jumlahnya.

"Bagaimanapun, ia tidaklah banyak", tambah Perdana Menteri.

Buku "The Malay Dilema" yang dikarang oleh Datuk Seri Dr. Mahathir pada tahun 1969, diharamkan pengedarannya oleh kerajaan sejak 11 tahun lalu.

Bagaimanapun, pengharamannya ditarik balik oleh Timbalan Perdana Menteri, Datuk Musa Hitam yang juga Menteri Dalam Negeri, pada 30 Julai lalu.